

摘藻堂四庫全書薈要

集部

欽定四庫全書薈要卷一萬七千六百八十七

集部

御定全唐詩卷二百八十二

李益

李益字君虞姑臧人大厯四年登進士第授鄭縣尉久不調益不得意北遊河朔幽州劉濟辟為從事嘗與濟詩有怨望語憲宗時召為秘書少監集賢殿學士自負才地多所凌忽為衆不容諫官舉其幽州詩句降居散秩俄復用為秘書監遷太子賓客集賢學士判院事轉

右散騎常侍太和初以禮部尚書致仕卒益長於歌詩  
貞元末與宗人李賀齊名每作一篇教坊樂人以賂求  
取唱為供奉歌辭其征人歌早行篇好事畫為屏障集  
一卷今編詩二卷

從軍有苦樂行

時從司空魚公北  
征魚一作箕

勞者且莫

勿一作

歌我欲

歌一作

送君觴從軍有苦樂此曲

樂未央僕居在

一作本居  
又作本起

隴上隴水斷入腸東過秦宮

路宮路

一作樹

入咸陽時逢漢帝出諫獵至長楊詎馳遊

俠窟非結少年場一旦承嘉惠輕身一作命重恩光秉筆

參帷帝從軍至朔方邊地多陰風草木自淒涼斷絕海

雲去出沒胡沙長參差引雁翼隱鱗騰軍裝劔文夜如

水馬汗凍成霜俠氣五都少矜功六郡良山河起目前

睚眦死路傍北逐驅德一作種虜西臨復舊疆昔還賦一作

斟餘資今出乃贏糧一矢殲夏服我弓不再張寄語一作

言丈夫雄苦樂身自當

登長城

一題作塞下曲



漢家今上郡秦塞古長城有日雲長慘無風沙自驚當  
今聖天子不戰四夷平

雜曲

妾本蠶家女不識貴門儀藁砧持玉斧交結五陵兒十  
日或一見九日在路歧人生此夫婿富貴欲何為楊柳  
徒可折南山不可移婦人貴結髮寧有再嫁資嫁女莫  
望高女心願所宜寧從賤相守不願貴相離藍葉鬱重  
重藍花若榴色少婦歸少年華光一作光華自相得誰言配

君子以奉百年身有義即夫壻無義還他人愛如寒爐  
火棄若秋風扇山嶽起面前相看不相見丈夫非小兒  
何用強相知不見朝生菌易成還易衰征客欲臨路居  
人還出門北風河梁上四野愁雲繁豈不戀我家夫壻  
多感恩前程有日月勲績在河源少婦馬前立請君聽  
一言春至草亦生誰能無別情殷勤展心素見新莫忘  
故遙望孟門山殷勤報君子既為隨陽雁勿學西流水  
嘗聞生別離悲莫悲於此同器不同榮堂下即千里與

君貧賤交何異，萍上水託身。天使然同生，復同死。

送遼陽使還軍

征人歌且行，北上遼陽城。二月戎馬息，悠悠邊草生。青  
山出塞斷，代地入雲平。昔者匈奴戰，多聞殺漢兵。平生  
報國憤，一作意日夜角弓鳴。勉君萬里去，勿使虜塵驚。

賦得早燕送別

碧草縵一作漫如綫，去來雙燕飛。長門未有春，先入班姬

殿。梁空繞不一作復息，簷寒窺欲遍。今至隨紅萼，一作葢昔

還悲素扇一別與秋鴻差池詎相見

秋晚溪中寄懷大理齊司直

時齊分司洛下有東山之期

鳳翔屬明代羽翼文歲蕤崑崙進琪樹飛舞下瑤池振  
儀自西睽東復復分釐國典唯平法伊人方在斯荒寧  
一作亭 桁楊肅芳輝蘭玉滋明質驚高景飄飄服纓綏天  
寒清洛苑秋夕白雲司況復空巖側蒼蒼幽桂期歲寒  
坐流霰山川猶別離浩思憑尊酒氛氲獨含辭

溪中月下寄楊子尉封亮

蘅若奪幽色銜思恍無惊宵長霜霧一作霰多歲晏淮海

風團團山中月三五離夕一作席同露凝朱弦絕觴至蘭

玉空清光液流波盛明難再逢嘗恐河漢遠坐窺烟景

窮小人諒處陰君子樹大一作元功永願厲高翼慰我丹

桂叢

春晚賦得餘花落得起字

留春春竟去春去花如此蝶舞遶應稀鳥驚飛詎已哀

紅辭故萼繁綠扶彫蕊自委不勝愁庭風那更起

聞亡友王七嘉禾寺得素琴

故人惜此去留琴明月前  
今來我訪舊淚灑白雲天  
詎欲匣孤響送君歸夜泉  
撫琴猶可絕況此故無弦  
何必  
雍門奏然後淚一作潺湲

校書郎楊凝往年以古鏡貺別今追贈以詩

明鏡出匣時明如雲間月  
一別青春鑑回光照華髮美  
人昔自愛鞶帶手中一作所結願以一作似三五期經天無

玷缺

置酒行

一本無  
行字

置酒命所歡，憑觴遂為戚。日往不再來，茲辰坐成昔。百

齡非久長，五十將半百。胡為勞我形，已鬢

一作鬢  
一作鬢

還復

白西山鸞鶴羣

一作  
顧

矯矯烟霧翮，明霞

一作  
訣

發金丹陰

洞潛水碧，安得凌風羽。崦嵫駐靈魄，無然坐衰老。慙歎

一作  
觀東陵栢

長社竇明府宅夜送王屋道士常究子

日隨三鳥去，羽節凌霞光。暮與雙鳧宿，雲車下紫陽。天

壇臨月近洞水出山長海嶠年年別丘陵徒自傷

觀回軍三韻

行行上隴頭隴月

一作麥

暗悠悠萬里將軍沒回旌隴戍

一作樹秋誰令嗚咽水重入故營流

華山南廟

陰山臨古道古廟閉山碧

一作廟閉空山碧

落日春草中塞芳

薦瑤席明靈達精意騁歸如不隔巖

一作微

雨神降時回

颺入松柏常聞坑儒後此地返秦

一作曾返

壁自古害忠良



神其輔宗祏

喜邢校書遠至對雨同賦遠晚飯阮返五韻

雀噪空城陰木哀羈思遠已

似一作

蔽青山望徒悲白雲

晚別離千里風雨中同一飯開徑說逢康臨觴方接阮  
旅宦竟何如勞飛思自返

城西竹園送裴佖王達

歲蕤凌風竹寂寞離人觴愴懷非外至沈鬱自中腸遠  
行從此始別袂重淒霜

月下喜邢校書至自洛

天河夜未央，漫漫復蒼蒼。  
重君遠行至，及此明月華。  
星暎哀柳暗，水入寒塘。  
客心定何似，餘歡方自長。

北至太原

炎祚昔昏替，皇基此鬱盤。  
玄命久已集，撫運良乃一作乃良

艱。南阮羊腸險，北走雁門寒。  
始於一戎定，垂此億世安。  
唐風本憂思，王業實艱難。  
中歷雖橫潰，天紀未可干。  
聖明所興國，靈嶽固不殫。  
吐吐薄遊客，斯言殊不刊。

入華山訪隱者經仙人石壇

三考四

一作西

嶽下官曹少休沐久負青山諾今還獲所

欲嘗聞玉清洞金簡受玄籙夙駕昇天行雲遊恣霞宿

一作雲霞  
恣遊宿

平明矯輕策捫石入空曲仙人古石壇苔蘚

青瑤局陽桂凌烟紫陰蘿冒水綠隔世

一作山

聞丹經懸

泉注明玉前驚羽人會白日天居肅問我將致辭笑之

自相目竦身雲遂起仰見雙白鵠墮其一紙書文字類

鳥足視之了不識三返又三復歸來問方士舉世莫解

讀何必若蟬螿然後為跼促鄙哉宦游子身志俱降辱  
再往不及期勞歌叩山木

罷鏡

手中青銅鏡照我少年時衰颯一如此清光難復持欲  
令孤月掩從遣半心疑縱使逢人見猶勝自見悲

華陰東泉同張處士詣藏律師兼簡縣內同官  
因寄齊中書

蒼崖抱寒泉淪照洞金碧潛鱗孕明晦山靈闕幽

精一作蹟

前峯何其詭萬變窮日夕松老風易悲山秋雲更白故  
人邑中吏五里仙霧隔美質簡瓊瑤英聲鏗金石煩君  
竟相問問我此何適我因贊時理書寄西飛翮哲匠熙  
百工日月被光澤大國本多士荆岑無遺壁高網彌八  
紘皇圖明四闢羣材既兼暢顧我在草澤貴無身外名  
賤有區中役忽忽百齡內殷殷千慮迫人生已如寄在  
寄復為客舊國不得歸風塵滿阡陌

答郭黃中孤雲首章見贈

孤雲生西北從風東南飄帝鄉日已遠蒼梧無還颺已  
矣玄鳳歎嚴霜集靈苔君其勉我懷歲暮孰不彫

合源溪期張計不至

霜露肅時序緬然方獨尋暗溪進仙侶寒澗聞松禽寂  
歷茲夜一作夜茲永清明秋序深微波澹澄夕烟景含虛林

素志久淪否幽懷方自吟一作今

竹溪

訪竹越雲崖即林若溪絕寧知修幹下漠漠秋苔潔清

光溢空曲茂色臨幽澈採摘愧芳鮮奉君歲暮節

送諸暨王主簿之任

別愁已萬緒離曲方三奏遠宦一辭鄉南天異風候秦  
城歲芳老越國春山秀落日望寒濤公門閉清晝何用  
慰相思裁書寄闕右

罷秩後入華山採茯苓逢道者

委綬來

一作來

名山觀竒恣所停山中若有聞言此不死

庭遂逢五老人一謂西嶽靈或聞樵人語飛去入昴星

授我出雲路蒼然凌石屏視之有文字乃古黃庭經左  
右長松列動搖風露零上蟠千年枝陰虬負青冥下結  
九秋霰流膏為茯苓取之砂石間異若龜鶴形况聞秦  
宮女華髮變已青有如上帝心與我千萬齡始疑有仙  
骨鍊魂可永寧何事逐豪遊飲啄以羶腥神物亦自悶  
風雷護此扁欲傳山中寶回策忽已暝乃悲世上人求  
醒終不醒

自朔方還與鄭式瞻崔稱鄭子周岑贊同會法



雲寺三門避暑

予本疎放士，竭來非外矯。誤落邊塵中，愛山見山少。始  
投清涼宇，門值烟岫表。參差互明滅，彩翠竟昏曉。泠泠  
遠風來，過此羣木杪。英英二三彥，襟曠去煩擾。一作撓遊  
川出潛魚，息陰勸飛鳥。徇物不可窮，唯於此心了。

來從竇車騎行

自朔方  
行作

東髮逢世屯，懷恩抱明義。讀書良有感

一作不武

學劔慙非

智。遂別魯諸生，來從竇車騎。追兵赴邊急，絡馬黃金轡。

出入燕南陸由來重意氣自經臯蘭戰又一作破樓煩

地西北護三邊東南留一尉時過歛如雲一作如雲雨參差

不自一作不自意將軍失恩澤萬事從此異置酒高臺上薄

暮秋風至長戟與我歸歸來同棄置自酌還自飲非名

又非利歌出易水寒琴下雍門淚出逢平樂舊言在天

階侍問我從軍苦自陳少年貴丈夫交四海徒論身

自致漢將不封侯蘇卿勞一作來遠使今我終此曲此

曲誠不易貴人難識心何由知忌諱

夜發軍中

邊馬橈上驚雄劍匣中鳴  
半夜軍書至匈奴寇六城中  
堅分暗陣太乙起神兵出  
沒風雲合蒼黃豺虎爭今日  
邊庭戰緣賞不緣名

將赴朔方早發漢武泉

弭蓋出故關窮秋首邊路  
問我此何為平生重一顧  
風吹山下草繫馬河邊樹  
奉役良有期回瞻終未屢  
去鄉幸未遠戎衣今已故  
豈惟幽朔寒念我機中素  
去矣勿

復言所酬知音一作者遇

城傍少年

一作漢宮少年行

生長邊城傍出身事弓馬少年有膽氣獨獵陰山下偶與匈奴逢曾擒射鷗者名懸壯士籍請君少相假

遊子吟

女羞夫婿薄客耻主人賤遭遇同衆流低回媿相見君非青銅鏡何事空照面莫以衣上塵不謂心如練人生當榮盛待士勿言倦君看白日馳何異弦上箭

飲馬歌

百馬飲一泉一馬爭上游一馬噴成泥百馬飲濁流上  
有滄浪客對之空歎息自顧纓上塵裊回終日夕為問  
泉上翁何時見沙石

蓮塘驛

在野  
昭界

五月渡淮水南行遶山陂江村遠雞應竹裏聞縹絲楚  
女肌髮美蓮塘烟露滋菱花覆碧渚黃鳥雙飛時渺渺  
泝洄遠憑風託微詞斜光動流睇此意難自持女歌本

輕豔客行多怨思  
女蘿蒙幽蔓擬上青桐枝

五城道中

金鏡隨玉節落日河邊路  
沙鳴後騎來雁起前軍度  
五城鳴斥堠三秦新召募  
天寒白登道塞濁陰山霧  
仍聞舊兵老尚在烏蘭戍  
笳蕭漢思繁旌旗邊色故  
寢興倦弓甲勤役傷風露  
來遠賞不行鋒交勲乃茂  
未知朔方道何年罷兵賦

與王楚同登青龍寺上方

連岡出古寺流睇移芳讌鳥沒漢諸陵草平秦故殿搖

光淺深樹拂木

一作水

參差鷺春心斷易迷遠目傷難徧

壯日各輕年暮年方自見

登夏州城觀送行人賦得六州胡兒歌

六州胡兒六蕃語十歲騎羊逐

一作射

沙鼠沙頭牧馬孤

雁飛漢軍遊騎貂錦衣雲中征戍三千里今日征行

一作

人何歲歸無定河邊數株柳共送行人一杯酒胡兒起

作和一作六

蕃歌齊唱嗚嗚盡垂手心知舊國西州遠西

向胡天望鄉久回頭忽作異方聲一聲回盡征人首蕃  
音虜曲一作難分似說邊情向塞雲故國關山無限  
路風沙滿眼堪斷魂不見天邊青一作塚古來愁殺  
漢昭君

從軍夜次六胡北飲馬磨劍石為祝殤辭

我行空磧見沙之磷磷與草之冪冪半沒胡兒磨劍石  
當時洗劍血成川至今草與沙皆赤我因扣石問以言  
水流嗚咽幽草根君寧獨不怪陰燐吹火熒熒又為碧



有鳥自稱蜀帝魂南人伐竹湘山下交根接葉滿淚痕  
請君先問湘江水然我此恨乃可論秦亡漢絕三十國  
關山戰死知何極風飄雨灑水自流此中有冤消不得

為之彈劔作哀吟風

一作蓬

沙四起雲沈沈滿營戰馬嘶

欲盡畢昴不見胡天陰東征曾弔長平苦往往清明獨  
風雨年移代去感精魂空山月暗聞鼙鼓秦坑趙卒四  
十萬未若格鬪傷戎虜聖明破胡為六州六州又盡為

一作胡丘韓公三城斷胡路漢甲百萬屯邊秋乃分司

空授朔土擁以玉節臨諸侯漢為一雪萬世讐我今抽  
刀勒劍石告爾萬世為唐休又聞招魂有美酒為我澆  
酒祝東流殤為魂兮可以歸還故鄉些沙場地無人兮  
爾獨不可以久留

登天壇夜見海

一本海下有日字

朝遊碧峰三十六夜上天壇月邊宿仙人攜我蹇玉英  
壇上夜半東方明僊鐘撞撞近海日海中離離三山出  
霞梯赤城遙可分霓旌絳節倚彤雲八鸞五鳳紛在御

王母欲上朝元君羣仙指此為我說幾見塵飛滄海  
竭竦身別我期丹宮空山處處遺清風九州下視杳未  
旦一半浮生皆夢中始知武皇求不死去逐瀛洲羨門  
子

大禮畢皇帝御丹鳳門改元建中大赦

大明曠曠天地分六龍負日升天門鳳凰飛來銜帝籙  
言我萬代金皇孫靈雞鼓舞承天赦高翔百尺垂朱幡  
宸居穆清受天厯建中甲子合上元昊穹景命即已至

王一作事乃可酬乾坤升中告成答玄貺泥金檢玉昭

鴻恩云亭之事畧可記七十二君寧獨尊小臣欲上封

禪表

一作草

久而未就

一作名

歸文

一作陵

園

輕薄篇

豪不必馳千騎雄不在垂雙鞬天生俊氣自相逐出與  
鷗鷺同飛翻朝行九衢不得意下鞭走馬城西原忽聞  
燕雁一聲去回鞍挾彈平陵園歸來青樓曲未半

一作卒

美人玉色當金尊淮陰少年不相下酒酣半笑倚市門

安知我有不平色  
白日欲落紅塵昏  
死生容易如反掌  
得意失意由一言  
少年但飲莫相問  
此中報讐亦一作兼

報恩

野田行

一作于  
鵠詩

日没出古城  
野田何茫茫  
寒狐嘯一作上  
青塚鬼火燒  
白

楊昔人未為泉下客  
行到此中曾斷腸

古別離

雙劍欲別風一作心  
淒然雌沈水底雄  
上天江回漢轉兩

不見雲交雨合知何年古來萬事皆由命何用臨岐苦

涕漣

一作涕  
苦相連

效古促促曲為河上思婦作

促促何促促黃河九回曲嫁與棹船郎空牀將影宿不

道君心如石那教

一作  
令

妾貌長如玉

漢宮少年行

君不見上宮警夜營八屯鼙鼙街鼓朝朱軒玉階霜仗  
擁未合少年排入銅龍門暗聞弦管九天上宮漏沉沉

清吹繁平明走馬絕馳道呼鷹挾彈通繚垣玉籠金鎖  
養黃口探雛取卵伴王孫分曹陸博快一擲迎歡先意

笑語喧巧為柔媚學優孟儒衣嬉戲冠沐猿晚來香街

經柳市行過倡舍宿桃根相逢杯酒

一作酒後

一言失迴朱

點白聞至尊金張許史伺顏色王侯將相莫敢論豈知  
人事無定勢朝歡暮戚如掌翻椒房寵移子愛奪一夕  
秋風生戾園徒用黃金將買賦寧知白玉暗成痕持杯  
收水水已覆徙薪避火火更燭欲求四老張丞相南山

如天不可上



御定全唐詩卷二百八十二

欽定四庫全書薈要卷一萬七千六百八十八

集部

御定全唐詩卷二百八十三

李益

竹窗聞風寄苗發司空曙

微風驚暮坐臨牖思悠哉  
開門復動竹疑是故人來  
時滴枝上露稍沾

一作沿

堦下苔何當一入幌  
為拂綠琴埃

賦得垣衣

漠漠復霏霏為君垣上衣  
昭陽輦下草應笑此生非  
掩

藹

一作奄  
一作菴  
一作愛

青春去

一作暮

蒼茫白露稀

一作晞

猶勝萍逐

水流浪不相依

送人流貶

漢章雖約法秦律已除名  
謗遠人多惑官微不自明  
霜風先獨樹瘴雨失荒城  
疇昔長沙事三年召賈生

送人南歸

人言下江疾君道下江遲  
五月江路惡南風驚浪時  
應知近家喜還有異鄉悲  
無奈孤舟夕山歌聞竹枝

水亭夜坐賦得曉霧

月落寒霧起沈思  
浩通川宿禽嘯木散  
山澤一蒼然漠

漠沙上路

一作鷺

泫泫洲外田猶當  
依遠樹斷續欲窮天

送常曾侍御使西蕃寄題西川

涼王宮殿盡蕪沒  
隴雲西今日聞君使  
雄心逐鼓鼙行

當收漢壘直可取  
蒲泥舊國無由到  
煩君下

一作走

馬題

入南山至全師蘭若

木隕

一作落

水歸壑寂然無念

一作始

心南行有真子被褐

息山陰石路瑤草散松門寒景深吾師亦何愛一作自  
起定中吟授

送韓將軍還邊

白馬羽林兒揚鞭薄暮時獨將輕騎出暗與伏兵期雨  
雪移軍遠旌旗上壠遲聖心戎寄重未許讓恩私

晚春臥病喜振上人見訪

臥牀如一作殊舊日窺戶易傷春靈壽扶衰力芭蕉對病

身道心空寂寞時物自芳新旦夕誰相訪唯當攝一作  
揖

上人

春行

侍臣朝謁罷威里自相過落日青絲騎春風白紵歌恩  
承三殿近獵向五陵多歸路南橋望垂楊拂細波

洛陽河亭奉酬留守羣公追送

一作李逸詩

離亭餞落暉臘酒減春

一作征

衣歲晚烟霞重川寒雲樹

微戎裝千里至舊路十年歸還似汀洲雁相逢又背飛

尋紀道士偶會諸叟

山陰尋

一作逢

道士映竹羽衣新侍坐雙童子陪遊五老

人水花松下靜壇草雪中春見說桃源洞如今猶避秦

同蕭鍊師宿太乙廟

微月空山曙春祠謁少君落花壇上拂

一作掃

流水洞中

聞酒引芝童奠香餘桂子

一作女

焚鶴飛將羽節遙向赤

城分

送同落第者東歸

東門有行客落日滿前山聖代誰知者滄洲今獨還片

雲歸海暮流水背城閒余亦依嵩頰

一作嶺

松花深閉關

送柳判官赴振武

邊庭漢儀重旌甲

似一事一作

雲中虜地山川壯單于鼓角

雄關寒塞榆落月白胡天風君逐嫖姚將麒麟有戰功

述懷寄衡州令狐相公

調元方翼聖軒蓋忽言東道以中樞密心將外理同白  
頭生遠浪丹葉下高楓江上蕭疎雨何人對謝公

喜入蘭陵望紫閣峯呈宣上人



薤草開三徑，巢林喜一枝。  
地寬留種竹，泉淺欲開池。  
紫閣當疎牖，青松入壞籬。  
從今安僻陋，蕭相是吾師。

喜見外弟又言別

十年離亂

一作亂離

後長大一相逢，問姓驚初見。  
稱名憶舊

容，別來滄海事，語罷暮天鐘。  
明日巴陵道，秋山又幾重。

立春日寧州行營因賦朔風吹飛雪

邊聲日夜合，朔風驚復來。  
龍山不可望，千里一裴回。  
捐扇破誰執，素紉輕欲裁。  
非時妬桃李，自是舞陽臺。

獻劉濟

草綠古燕州鶯聲引獨遊  
雁歸天北畔春盡海西頭  
向日花偏落馳年水自流  
感恩知有地不上望京樓

哭柏巖禪師

遍與傍人別臨終盡不愁  
影堂誰為掃坐塔自看修  
白  
日鐘邊晚青苔鉢上秋天  
涯禪弟子空到柏巖遊

赴邠寧留別

身承漢飛將束髮即言兵  
俠少何相問從來事不平  
黃

雲斷朔吹白雪擁沙城幸應邊書募橫戈會取名

紫騮馬

爭場看鬪雞白鼻紫騮嘶漳水春閨晚叢臺日向低歇  
鞍珠作汗試劒玉如一作為泥為謝紅梁鷺年年妾獨棲

夜上受降城聞笛

一作戎  
昱詩

入夜思歸一作歸思切笛聲清更哀愁人不願聽自到枕前

來風起塞雲斷夜深關月開平明獨惆悵落一作飛盡一

庭梅

同崔邠一作登鶴雀樓

鶴雀樓西

一作南一作前

百尺檣汀洲雲樹共茫茫漢家簫鼓

空流水魏國山河半夕陽事去千年猶恨速愁來一日

即為

一作知

長風烟

一作塵

併起

一作是

思歸

一作鄉

望遠目非

春亦自傷

奉酬崔員外副使攜琴宿使院見示

忽聞此夜攜琴宿遂歎常時塵吏喧庭木已衰空月亮  
城砧自急對霜繁猶持副節留軍府未薦高詞直掖垣

誰問南飛長繞樹官微同在謝公門

送賈校書東歸寄振上人

一作振上人院喜  
見賈弁兼酬別

北風吹

一作南

雁數聲悲况指前林是別時秋草不堪頻

送遠白雲何處更相期山隨匹馬行看暮路入寒城獨  
去遲為向東州故人道江淹已擬惠休詩

過馬嵬二首

路至牆垣問樵者顧予云是太真宮太真血染馬蹄盡  
朱閣影隨天際空丹壑不聞歌吹夜玉堦唯有薜蘿風

世人莫重霓裳曲，曾致干戈是此中。

金甲銀旌盡已回，蒼茫羅袖隔風埃。濃香猶自隨鸞輅，

恨魄無由

一作因

離馬嵬南內，真人悲帳殿東。溟方士問

蓬萊，唯留坡畔鸞環。月時送殘輝入夜臺。

此首一作李遠詩

鹽州過胡兒飲馬泉

一作過五原胡兒飲馬泉

綠楊著水草如烟，舊是胡兒飲馬泉。

礪鵲泉在豐州城北，胡人飲馬於此。

幾處吹笳明月夜，何人倚劔白雲天。從來凍合關山路，今日分流漢使前。莫遣行人照容鬢，恐驚憔悴入新年。

宿馮翊夜雨贈主人

危心驚夜雨起望漫悠悠氣耿殘燈暗聲繁高樹秋涼  
軒辭夏扇風幌攬輕綈思緒蓬初斷歸期燕暫留關山  
藹已失臉淚迸難收賴君時一笑方能解四愁

送襄陽李尚書

天寒發梅柳憶昔到襄州樹暖然紅燭江清展碧油風  
烟臨峴首雲水接昭丘俗尚春秋學詞稱文選樓都門  
送旌節符竹領諸侯漢沔分戎寄黎元減聖憂時追山

簡興本自習家流莫廢思康樂詩情滿沃洲

春日晉祠同聲會集得疎字韻

風壤瞻唐本山祠閱晉餘水亭開帝幕巖榭引簪裾地  
綠苔猶少林黃柳尚疎菱苔生皎鏡金碧照澄虛翰苑  
聲何舊賓筵醉止初中州有遼雁好為繫邊書

再赴渭北使府留別

結髮逐鳴鼙連兵追谷蠡山川搜伏虜鎧甲被重犀故  
府旌旗在新軍羽校一作檄齊報恩身未死識路馬還嘶



列嶂高峰舉當營太白低平戎七尺劍封檢一九泥截  
海取一作收蒲類跑泉飲鷓鴣漢庭中選重更事五原西

送歸中丞使新羅冊立弔祭

一作李  
端詩

東望扶桑日何年是到時片帆通雨露積水隔華夷浩  
渺風來遠虛明鳥去遲長波靜雲月孤島宿旌旗別葉  
傳秋意迴潮動客思滄溟無舊路何處問前期

賦得路傍一株柳送邢校書赴延州使府

路傍一株柳此路向延州延州在何處此路起悠悠一作

愁邊

重贈邢校書

俱從四方事

一作士

共會九秋中  
斷蓬與落葉  
相值各因

風

照鏡

衰髮朝臨鏡  
將看却

一作各

自疑慙君明  
似月照我白  
如

絲

書院無厯日  
以詩代書問  
路侍御六月  
大小

野性迷堯歷松窗有道經故人為柱史為我數堦冀

聞雞贈主人

膠膠司晨鳴報爾東方旭無事戀君軒今君重覓鵠

登白樓見白鳥席上命鷓鴣辭

一鳥如霜雪飛向一作下白樓前問君何以至天子太平

年

石樓山見月一作宿青山石樓

紫塞連年成黃砂磧路窮故人一作山今夜宿見月石樓

中

惜春傷同幕故人孟郎中

一本有杜侍御三字

兼呈去年

看花友

畏老身全

一作今

老逢春解惜春今年看花伴已比去年

人

嘉禾寺見亡友王七題壁

今日憶君處憶君君豈知空餘暗塵字讀罷淚仍垂

聽唱赤白桃李花

赤白桃李花先皇在時曲欲向西宮唱西宮官樹綠

江南詞一作曲

嫁得瞿塘賈朝朝悞妾期早知潮有信嫁與弄潮兒

贈內兄盧綸

世故中年別餘生此會同却將悲一作愁與病來一作獨對

朗陵翁

答竇二曹長留酒還榼

榼小非由一作圖榼星郎是酒星解醒元有數不用嚇劉

伶

答廣宣供奉問蘭陵居

居北有朝路居南無住人  
勞師問家第山色是南鄰  
乞寬禪師瘦山巖呈宣供奉

石色凝秋蘚峰形若夏雲  
誰留秦苑地好贈杏溪君  
觀騎射

邊頭射鴈將走馬出中軍  
遠見平原上翻身向暮雲

幽州賦詩見意時佐劉幕

一作題太原  
落漠驛西堠

征戍在桑乾年年薊水寒殷勤驛西路

一作

北

一作

去

一作

向

一作

長安

軍次陽城烽舍北流泉

何地可潛然陽城烽樹

一作

邊今朝望鄉客不飲北流

泉

金吾子

繡帳博山鑪銀鞍馮子都黃昏莫攀折驚起欲栖烏

山鷓鴣詞

一本題上無山字

湘江斑竹枝錦翅鷓鴣飛處處湘雲合郎從何處歸  
立秋前一日覽鏡

萬事銷身外生涯在鏡中唯將滿鬢雪明日對秋風  
代人乞花

繡戶朝眠起開簾滿地花春風解人意欲一作落妾西  
家

上洛橋

金谷園中柳春來似舞腰何堪好風景獨上洛陽橋



揚州懷古

故國歌鐘地長橋車馬塵彭城閣邊柳偏似不勝春

水宿聞雁

早雁忽為雙驚秋風水窗夜長人自起星月滿空江

揚州早雁

江上三千雁年年過故宮可憐江上月偏照斷根蓬

下一本有樓

漏字

話舊全

一作

應老

一作

逢春喜

又悲

看花行

拭淚

倍覺

下樓遲

度破訥沙二首

一作塞北行  
次度破訥沙

眼見風來沙旋移經年不省草生時莫言

一作無端

塞北無

春到

一作色

總有春來何處知

破訥沙頭雁正飛鷓鴣泉上戰初歸  
平明日出東南地  
滿磧寒光生鐵衣

拂雲堆

漢將新從虜地來  
旌旗半

一作送

上拂雲堆單于每

一作馬

近一作向

沙場獵南望陰山

一作陰山

哭始回

中橋北送穆質兄弟應制戲贈蕭二策

洛水橋邊雁影踈陸機兄弟駐行車欲陳漢帝登封草  
猶待蕭郎寄內書

九月十日雨中過張伯佳

一作雄

期柳鎮

一作雄

未

至以詩招之

柳吳興近無消息張長公負苦寂寥唯有角巾霑雨至  
手持殘菊向西招

汴河曲

汴水東流無限春  
隋家宮闕

苑一作

已盡

一作

成塵行人莫

上長堤望風

吹一作

起楊花愁殺人

塞下曲

蕃州部落能結束  
朝暮

一作朝

馳獵黃河曲  
燕歌未斷塞

鴻飛牧馬羣  
嘶邊草綠

秦築長城城已摧  
漢武北上單于臺  
古來征戰虜不盡

今日還復天兵來

黃河東流流九折沙場埋恨何時絕蔡琰沒去造胡笳  
蘇武歸來持漢節

為報如今都護雄匈奴且莫下雲中請書塞北陰山石  
願比燕然車騎功

一本合  
作一首

夜上西城聽梁州曲二首

行今夜上西城宿聽唱梁州雙筧逐此時秋月滿關山  
何處關山無此曲

鴻雁新從北地來聞聲一半却飛回金

一作  
交

河戍客

一作

卒  
腸應斷更在秋風百尺臺

暖川一作征人歌

胡風凍合鷓鴣泉牧馬千羣逐一作浴暖川塞外征行一作

人無盡日年年移帳雪中天

過馬嵬

漢將如雲不直言寇來翻罪綺羅恩託君休一作莫洗蓮  
花血留記千年妾淚痕

答許五端公馬上口號

晚逐旌旗俱白首，少遊京洛共緇塵。  
不堪身外悲前事，強向杯中覓舊春。

牡丹

一作詠牡丹  
贈從兄正封

紫蕊

一作  
艷

叢開未到家，却教遊客賞繁華。  
始知年少求

名處，滿眼空中別有花。

邊思

腰懸錦帶佩吳鉤，走馬曾防玉塞秋。  
莫笑關西將家子，祇將詩思入涼州。

奉和武相公春曉聞鶯

一作蜀川聞鶯

蜀道山川心易驚

一作西道山川意不平

綠窻殘夢曉聞鶯分明

似一作自

寫

一作雪

文君恨萬怨千愁弦上聲

### 送客還幽州

惆悵秦城送獨歸  
薊門雲樹遠依依  
秋來

一作空

莫射南

飛雁從

一作縱

遣乘春更北飛

### 柳楊送客

一作揚州萬里送客

青楓江畔白蘋洲  
楚客傷離不待秋  
君見隋朝更何事



柳楊

一作津

南渡水悠悠

從軍北征

天山雪後海風寒橫笛偏吹行路難  
磧裏征人三十萬

一時回向

一作首

月明

一作中

看

聽曉

一作鳴

角

邊霜昨夜墮關榆

一作繁霜一夜落平蕪

吹角當城漢

一作片

月孤

無限

一作數

塞鴻飛不度秋風卷

一作吹

入小單于

宮怨

露濕晴花春

一作宮

殿香月明歌吹在昭陽似將海水添

宮漏共滴

一作作

長門一夜長

暮過回樂烽

烽火高飛百尺臺黃昏遙自

一作見

磧西南

一作南

來昔時征

戰回應樂今日從軍樂未回

奉和武相公郊居寓目

黃扉晚下禁垣鐘歸坐南闈山萬重獨有月中高興盡  
雪峰明處見寒松

詣紅樓院尋廣宣不遇留題

柿葉翻紅霜景秋  
碧天如水倚紅樓  
隔窻愛竹無人問  
遣向隣房覓戶鉤

回軍行

關城榆葉早疎黃  
日暮沙雲古戰場  
表請回軍掩塵骨  
莫教士卒哭龍荒

邠寧春日

桃李年年上國新  
風沙日日塞垣人  
傷心更見庭前柳

忽有千條欲占春

古瑟怨

破瑟悲秋已減弦  
湘靈沈怨不知年  
感君拂拭遺音在  
更奏新聲明月天

夜宴觀石將軍舞

微月東南上戍樓  
琵琶起舞錦纏頭  
更聞橫笛關山遠  
白草胡沙西塞秋

春夜聞笛

寒山吹笛喚春歸  
遷客相看一作逢  
淚滿衣  
洞庭一夜無

窮雁不待天明盡北飛

揚州送客

一本題下有  
聞笛二字

南行直入鷓鴣羣  
萬歲橋邊一送君  
聞道一作笛裏望鄉聞

一作聽  
不得梅花暗落嶺頭雲

統漢峰

一作峰  
下  
一作過降戶  
至統漢峰

統漢峰一作峰  
西降戶營  
黃河戰一作沙白  
骨擁長城只今已

勒燕然石北一作北  
地無人空月明

避暑女冠

霧袖烟裾雲母冠碧琉璃

一作花琉璃

簾井冰寒焚香欲使

一作

降

三清

一作青

鳥靜拂

一作掃

桐陰上玉壇

行舟

柳花飛

一作吹

入正行舟臥引菱花信碧流聞道風光滿

揚子天晴共上望鄉樓

隋宮燕

燕語如傷舊國春宮花

一作旋

落已成塵自從一閉風

光後幾度飛來不見人

送人歸岳陽

烟草連天楓樹齊  
岳陽歸路子規啼  
春江萬里巴陵戍  
落日看沈碧水西

上汝州郡樓

黃昏鼓角似邊州  
三十年前上此樓  
今日山城一作對  
垂淚傷心不獨為悲秋

臨滹沱見蕃使列名

漠南春色到滹沱  
碧柳青青塞馬多  
萬里關山今不閉  
漢家頻許郅支和

寫情

水紋珍簟思悠悠  
千里佳期一夕休  
從此無心愛良夜  
任他明月下西樓

夜上受降城聞笛

回樂峰一作烽前沙似雪  
受降城下一作上月如霜  
不知

何處吹蘆管一作笛  
一夜征人盡望鄉



赴渭北宿石泉驛南望黃堆烽

邊城已在虜城中  
烽火南飛入漢宮  
漢庭議事先黃老  
麟閣何人定戰功

逢歸信偶寄

無事將心寄柳條  
等閒書字滿芭蕉  
鄉關若有東流信  
遣送揚州近驛橋

贈毛仙翁

玉樹溶溶仙氣深  
含光混俗似無心  
長愁忽作鶴飛去

一片孤雲何處尋

長干行

黃魯直云李白集中長干行二篇其後篇乃李益所作胡震亨從之增入益集

憶妾深閨裏烟塵不曾識嫁與長干人沙頭候風色五月南風興思君下巴陵八月西風起想君發揚子去來悲如何見少離別多湘潭幾日到妾夢越風波昨夜狂風度吹折江頭樹渺渺暗無邊行人在何處好乘浮雲驄佳期蘭渚東鴛鴦綠浦上翡翠錦屏中自憐十五餘顏色桃花紅那作商人婦愁水復愁風

和丘員外題湛長史舊居

昔降英王顧屏身幽巖曲靈波結繁筍爽籟赴鳴玉運  
轉春華至歲來山草綠青松掩落暉白雲竟空谷伊人  
撫遺歎惻惻芳又縟云誰敷美香分毫寄明牧

送客歸振武

駿馬事輕車軍行萬里沙胡山通盪落漢節繞渾邪桂  
滿天西月蘆吹塞北笳別離俱報主路極不為賒

府試古鏡

舊是秦時鏡，今藏古匣中。  
龍盤初挂月，鳳舞欲生風。  
石黛曾留殿，朱光適在宮。  
應祥知道泰，鑑物覺神通。  
肝膽誠難隱，妍媸信易窮。  
幸居君子室，長願免塵蒙。

贈宣大師

一國沙彌獨解詩，人人道勝惠林師。  
先皇詔下徵還日，今上龍飛入內時。  
看月憶來松寺宿，尋花思作杏溪期。  
因論佛地求心地，祇說常吟是住持。

漢宮詞

一作韓翃詩

漢室

翊集作家在

長陵小市東

翊集作中

珠簾繡戶對春風  
君王

昨日移仙仗  
玉輦將迎入漢中

翊集作宮

江南曲

一作韓翊詩

長樂花枝雨點銷  
江城日暮好相邀  
春樓不閉歲  
徒鎖  
綠水回連宛轉橋

宿石邑山中

浮雲不共此山齊  
山靄蒼蒼望轉迷  
曉月暫飛高樹裏  
秋河隔在數峰西

寄贈衡州楊使君

湘竹斑斑湘水春  
衡陽太守虎符新  
朝來笑向歸鴻道  
早晚南飛見主人

途中寄李二

一作戎  
昱詩

楊柳含烟灞岸春  
年年攀折為行人  
好風若借低枝便  
莫遣青絲掃路塵

寄許鍊師

一作戎  
昱詩

掃石焚香禮碧空  
露華偏濕蕊珠宮  
如何說得天壇上

萬里無雲月在中

失題

此盧綸詩題作赴  
虢州留別故人

世故相逢各未閒  
百年多在別離間  
昨夜秋風今夜雨  
不知何處入空山

塞下曲

伏波惟願裹尸還  
定遠何須生入關  
莫遣隻輪歸海窟  
仍留一箭射天山

上黃堆烽

心期紫閣山中月身過黃堆烽上雲年髮已從書劍老  
戎衣更逐霍將軍

句

閒庭草色能留馬當路楊花不避人

見張為主客圖



御定全唐詩卷二百八十三

欽定四庫全書薈要卷一萬七千六百八十九

集部

御定全唐詩卷二百八十四

李端

李端字正已趙郡人大厯五年進士與盧綸吉中孚韓  
翃錢起司空曙苗發崔峒耿漳夏侯審唱和號大厯十  
才子嘗客駙馬郭曖第賦詩冠其坐客初授校書郎後  
移疾江南官杭州司馬卒集三卷今編詩三卷

古別離二首

水國葉黃時洞庭霜落夜行舟聞

一作問

商估宿在楓林

下此地送君還茫茫似夢間後期知幾日前路轉多山

巫峽通湘浦迢迢隔雲雨天晴見海檣

一作橋

月落聞

津鼓人老自多愁水深難急流清宵歌一曲白首對汀

洲

與君桂陽別令君岳陽待後事忽差池前期日空在木  
落雁嗷嗷洞庭波浪高遠山雲似蓋極浦樹如毫朝發  
能幾里暮來風又起如何兩處愁皆在孤舟裏昨夜天

月明長川寒且清菊花開欲盡薺菜泊來生下江帆勢  
速五兩遙相逐欲問去時人知投何處宿空令猿嘯時  
泣對湘簟一作竹

折楊柳一作折楊柳送別

東城攀柳葉柳葉低着草少壯莫輕年輕年有衰老柳  
發遍川岡登高堪斷腸雨烟輕漠漠何樹近君鄉贈君  
折楊柳顏色豈能久上客莫沾巾佳人正回首新柳送  
君行古柳傷君情突兀臨荒渡婆娑出舊營隋家兩岸

盡陶宅五株榮

一作平

日暮偏愁望春山有鳥聲

一本截後八句

為五律

留別柳中庸

惆悵流水時蕭條  
背城路離人出古亭  
嘶馬入寒樹江

海正風波相逢

一作挂蓬在

一作向何處

野亭三韻送錢員外

野菊開欲稀寒泉流漸淺

一作緩

幽人步林後歎此年華

晚倚杖送行雲尋思故山遠

歸山招王遠

日長原野靜杖策步幽巘  
雉雒麥苗陰蝶飛溪草晚  
我生好閒放此去殊未返  
自是君不來非關故山遠

過谷口元贊善所居

一作贈池陽谷口

入谷訪君來秋泉已堪涉  
林間人獨坐月下山相接  
重露濕蒼苔明燈照黃

一作紅

葉故交一不見素髮何稠疊

旅次岐山得山友書却寄鳳翔張尹

本與戴徵君同師竹上坐  
偶為名利引久廢論真果  
昨

日山信迴寄書來責我

九日贈司空文明

我有惆悵詞待君醉時說  
長來逢九日難與菊花別  
摘却正開花暫言花未發

蕪城

昔人登此地丘隴已前悲  
今日又非昔春風能幾時  
風吹城上樹草沒城邊路  
城裏月明時精靈自來去

洪邁  
取後

四句為  
絕句

送吉中孚拜官歸楚州

才子神骨清虛竦

一作竦

睂眼明貌應同衛玠鬚且異潘

生初戴莓苔幘來過丞相宅滿堂歸道師衆口宗詩伯

須臾里巷傳天子亦知賢出詔升高士馳聲在少年自

為才哲愛日與侯王會匡主一言中榮親千里外更聞

仙士友往往東回首驅石不成羊指

一作捐

丹空斃狗狐

帆淮上歸商估夜相依海霧寒將盡天星曉欲稀潮頭

來始歇浦口喧爭發鄉樹尚和雲鄰船猶帶月到洞必



傷情巡房見舊名醮疎壇路澀汲少井欄傾別我長安  
道前期共須老方隨水向山肯惜花辭島悵望執君衣  
今朝風景好

荊州泊

南樓西下時月裏聞來棹桂水舳艫迴一作還荊州津濟

開移帷望一作掩星漢引帶思容貌今夜一江人唯應妾

身覺

春遊樂一作曲

遊童蘇合彈

一作帶

倡女蒲葵扇初日映城時相思忽相

見褰裳蹋路草理髮回花面薄暮不同歸留情此芳甸

千里思

涼州風月美遙望居延路汎汎下天雲青青緣塞樹燕  
山蘇武上海島田橫住更是草生時行人出門去

白鷺詠

迴起來應近高飛去自遙映林同落雪拂水狀翻潮猶  
有幽人興相逢到碧霄

冬夜與故友聚送吉校書

途窮別則怨何必天涯去  
共作出門人不見歸鄉路  
殷勤執杯酒悵望送親故  
月色入閒軒風聲落高樹  
雲霄望且遠齒髮行應暮  
九日泣黃花三秋悲白露  
君行過洛陽莫向青山度

與苗員外山

一作  
出行

古人留路去今日共君行  
若待青山盡應逢白髮生  
誰知到蘭若流落一書名

早春同庾侍郎題青龍上方院

相見惜餘輝  
齊行登古寺  
風烟結遠恨  
山水含芳意  
車馬莫前歸  
留看巢鶴至

送從叔赴洪州

榮家兼佐幕  
叔父似還鄉  
王粲名雖重  
郗超髯未長  
鳴橈過夏口  
斂笏見潯陽  
後夜相思處  
中庭月一方

送路司諫侍從叔赴洪州

郗超本絕倫  
得意在芳春  
勲業耿家盛  
風流荀氏均  
聲

名金作賦白哲玉為身斂笏辭天子乘龜從丈人度關  
行且獵鞍馬何躑躅猿嘯暮應愁湖流春好涉潯陽水  
分送于越山相接梅雨細如絲蒲帆輕似葉逢風驚不  
定值石波先疊樓見遠公廬船經徐穉業邑人多秉筆  
州吏亦負笈村女解收魚津童能用檝唯我有荆扉無  
成未得歸見君兄弟出今日自霑衣

病後遊青龍寺

病來形貌穢齋沐入東林境靜聞神遠身羸向道深芭

蕉高自折荷葉大先沈

夜尋司空文明逢深上人因寄晉侍御

鶴裘筇竹杖語笑過林中  
正是月明夜陶家見遠公  
自嫌山客務不與漢官同

長安書事寄薛戴

朔雁去成行哀蟬響如昨  
時芳一憔悴暮序何蕭索  
笑語且無聊逢迎多約畧  
三山不可見百歲空揮霍  
故事盡為愁新知無復樂  
夫君又離別而我加寂寞  
惠遠縱

相尋陶潛祇獨酌主人思則厚客子才自薄委曲見提  
携因循成寒剝論邊書未上招隱詩還作貴者已朝餐  
豈能敦宿諾飛禽雖失樹流水長思壑千里寄瓊枝夢  
寐青山郭

鮮于少府宅看花

謝家能植藥萬簇相縈倚爛熳綠苔前嬋娟青草裏垂  
欄復照戶映竹仍臨水驟雨發芳香迴風舒錦綺孤光  
雜一作耀新故衆色更重累散碧出疎莖分黃成細藥游

蜂高更下驚蝶坐還起玉貌對應慙霞標一作操方不似

春陰憐弱蔓夏日同短晷迴落報一作勞榮衰交闕闕紅

紫花時苟未賫老至誰能止上客屢移牀幽僧勞憑几  
初合雖薄劣却得陪君子敢問賢主人何如種桃李

慈恩寺懷舊 并序

余去夏五月與耿漳司空文明吉中孚同陪故考  
功王員外來游此寺員外相國之子雅有才稱遂  
賦五物俾君子射而歌之其一曰凌霄花公寔賦



馬因次諸屋壁以識其會今夏又與二三子游集  
于斯流涕語舊既而攜手入院值凌霄更花遺文  
在目良友逝矣傷心如何陸機所謂同宴一室蓋  
痛此也觀者必不以秩位不侔則契分曾一作甚厚  
詞理不至則悲哀在中因賦首篇故書之

去者不可憶舊遊相見時凌霄徒更發非是看花期倚  
玉交文友登龍年月久東閣許聯牀西郊亦攜手彼蒼  
何曖昧薄劣翻居後重入遠師谿誰嘗陶令酒伊昔會

禪宮容輝在眼中  
籃輿來問道玉柄解談空  
孔席亡顏子僧堂失謝公  
遺文一書壁新竹再移叢  
始聚終成散朝歡暮不同  
春霞方照日夜燭忽迎風  
蟻鬪聲猶在鴉災道已窮  
問天應默默歸宅太匆匆  
悽其履還路莽蒼雲林暮  
九陌似無人五陵空有霧  
緬懷山陽笛永恨平原賦  
錯莫過門欄分明識行路  
上智本全真郊公况重臣  
唯應撫靈運暫是憶嘉賓  
存信松猶小緘哀草尚新  
鯉庭埋玉樹那忍見門人

贈薛戴

曉霧

一作露

忽為霜寒蟬還罷響行人在長道日暮多歸

想射策本何功名登絳帳中遂矜丘室重不料阮途窮  
交結慙時輩龍鍾似老翁機非鄙夫正懶是平生性敬  
枕鴻雁高閉闔花藥盛厨烟當雨絕階竹連窗暝欲賦  
苦饑行無如消渴病舊業歷胡塵荒原少四鄰田園空  
有處兄弟未成人毛義心長苦袁安家轉貧今呈胸臆  
事當為淚沾巾

東門送客

綠楊新草路白髮故鄉人  
既壯還應老遊梁復滯秦  
逢花莫漫折能有幾多春

送韓紳卿

春雨昨開花秋霜忽霑草  
榮枯催日夕去住皆須老  
君望漢家原高墳漸成道

襄陽曲

襄陽堤路長草碧柳枝黃  
誰家女兒臨夜妝紅羅帳裏

有燈光雀釵翠羽動明璫欲出不出脂粉香同居女伴  
正衣裳中庭寒月白如霜賁生十八稱才子空得門前  
一斷腸

胡騰兒

一作歌

胡騰身是涼州兒肌膚如玉鼻如錐桐布輕衫前後卷

葡萄長帶一邊垂帳前跪作本音語拾

一作拈

襟攪

一作擺

袖為君舞安西舊牧收淚看洛下詞人抄曲與揚着動  
目踏花羶紅汗交流珠帽偏醉却東傾又西倒雙靴柔

弱滿燈前環行急蹴皆應節反手叉腰如却月絲桐忽  
奏一曲終嗚嗚畫角城頭發胡騰兒胡騰兒故鄉路斷  
知不知

贈康洽

黃鬚康兄酒泉客平生出入王侯宅今朝醉臥又明朝  
忽憶故鄉頭已白流年恍惚瞻西日陳事蒼茫指南陌  
聲名恒壓鮑參軍班位不過揚執戟邇來七十遂無機  
空是咸陽一布衣後輩輕肥賤衰朽五侯門館許因依

自言萬物有移改始信桑田變成海同時獻賦人皆盡  
共壁題詩君獨在步出東城風景和青山滿眼少年多  
漢家尚壯今則老髮短心長知奈何華堂舉杯白日晚  
龍鍾相見誰能免君今已反我正來朱顏宜笑能幾回  
借問朦朧花樹下誰家畚插築高臺

瘦馬行

城傍牧馬驅未過一馬徘徊起還臥  
眼中有淚皮有瘡骨毛焦瘦令人傷  
朝朝放在兒童手誰覺舉頭看故鄉

往時漢地相馳逐如雨如風過平陸豈意今朝驅不前  
蚊蚋滿身泥上腹路人識是名馬兒一作衰疇昔三軍不  
得騎玉勒金鞍既已遠一作過追奔獲獸有誰知終身樵  
上食君草遂與駑駘一時老儻借長鳴隴上風猶期一  
戰安西道

雜

一作樵

歌呈鄭錫司空文明

昨宵夢到亡何鄉忽見一人山之陽高冠長劍立石堂  
鬚眉颯爽瞳子方胡麻作飯瓊作漿素書一帙在柏牀



啖我還丹拍我背令

一作命

我延年在人代乃書數字與

我持小兒歸去須讀之覺來知是虛無事山中雪平雲  
覆地東嶺啼猿三四聲捲簾一望心堪碎蓬萊有梯不  
可躡向海回頭淚盈睫且聞童子是蒼蠅誰謂莊生異  
蝴蝶學仙去來辭故人長安道路多風塵

雜歌

漢水至清泥則濁松枝至堅蘿則弱十三女兒事他家  
顏色如花終索寞蘭生當門燕巢幙蘭芽未吐燕泥落

為姑偏忌諸嫂良作婦翻嫌壻家惡人生照鏡須自知  
無鹽何用妬西施秦庭野鹿忽為馬巧偽亂真君試思  
伯竒掇蜂賢父逐曾參殺人慈母疑酒沽十日人不醉  
琴弄一絃心已悲常聞善交無爾汝讒口甚甘良藥苦  
山雞錦翼豈鳳凰鳥人言止鸚鵡向栩非才徒隱竈  
田文有命那關戶犀燭江行見鬼神木人登席呈歌舞  
樂生東去一作仕終居趙陽虎北轅翻適楚世間反覆不  
易陳緘此貽君淚如雨

烏栖曲

白馬逐朱

一作牛

車黃昏入狹斜斜柳樹烏爭宿爭枝

未得飛上屋東房少婦墻從軍每聽烏啼知夜分

送客東歸

昨夜東風吹盡雪兩京路上梅花發行人相見便東西  
日暮溪頭飲馬別把君衫袖望垂楊兩行淚下思故鄉

王敬伯歌

妾本舟中女聞君江上琴君初感妾意

一作歎

妾亦感君

心遂出合歡被同為交頸禽傳杯唯畏淺接膝猶嫌遠  
侍婢奏瑩篔女郎歌宛轉宛轉怨如何中庭霜漸多霜  
多葉可惜昨日非今夕徒結萬重歡終成一宵客王敬  
伯綠水青山從此隔

救生寺望春寄暢當

東西南北望望遠悲潛蓄紅黃綠紫花花開看不足今  
年與子少相隨他年與子老相逐

荆門

一本比下有雨字

歌送兄赴夔州

余兄佐郡經西楚餞行因賦荆門雨霖霖變變聲漸絲

浦裏人家收市喧重陰大點過欲盡碎浪柔文相與翻

雲間悵望荆衡路萬里青山一時暮琵琶寺裏響空廊

熨斗陂前濕荒戍沙尾長檣發漸稀竹竿草屨涉流歸

夷陵已遠一作遠色半成燒漢上游倡始濯衣船門相對多

商估葛服龍鍾篷下語自是湘州石鷺飛那關齊地商

羊舞曾為江客念江行腸斷秋荷雨打聲摩天古木不

可見住岳高僧空得名今朝拜首臨欲別遙憶荆門雨

中發

妾薄命

憶妾初嫁君花鬢如綠雲迴燈入綺帳轉面脫羅裙折  
步教人學偷香與客熏容顏南國重名字北方聞一從  
大恩意轉覺身顛顛對鏡不梳頭倚窗空落淚新人莫  
恃新秋至會無春從來閉在長門者必是宮中第一人


御定全唐詩卷二百八十四

謹案卷二百八十二第十四頁前二行似說邊情  
向塞雲按別本塞作朔

卷二百八十三第二十頁前一行碧柳青青塞馬  
多按別本碧作邊







總校官庶吉士 臣 張能照

校對官中書 臣 張 塤

膳錄監生 臣 周嘉猷

膳錄貢生 臣 黃永澄

欽定四庫全書薈要

集部

御定全唐詩卷二百八十八

五至

詳校官候補通政經歷臣郭祚熾



欽定四庫全書薈要卷一萬七千六百九十

集部

御定全唐詩卷二百八十五

李端

關山月

濕月蒼蒼關頭榆葉黃  
迴輪照海遠分彩上樓長  
水凍頻移幕兵疲數望鄉  
只應城影外萬里共胡霜

度關山

雁塞日初晴孤

一作孤

關雪復

一作覆雪

平危樓

一作竿

緣廣漠

古竇傍長城拂劍金星出彎弧玉羽鳴

一作輕

誰知係虜

者賈誼是書生

洪邁取前四句為絕句

巫山高

一作巫山高和皇甫拾遺

巫山十二峯

一作重

皆在碧虛中迴合雲歲月

一作日

霏微

雨帶風猿聲寒過澗

一作度水

樹色暮連空愁向高唐望清

秋見楚宮

雨雪曲

天山一丈雪雜雨夜霏霏濕馬胡歌亂經烽漢火微丁

零蘇武別

一作住

疎勒范羌歸若看

一作著

關頭下

一作過

長

榆葉定稀

### 春遊樂

柘彈連錢馬銀鈎安

一作倭

墮隄摘桑春陌上踏草夕陽

間意合辭先露心誠貌却閒明朝若相憶雲雨出巫山

### 山下泉

碧水映丹霞濺濺度淺沙暗通山下草流出洞中花淨

色和雲落喧聲遶石斜明朝更尋去應到阮

一作劉

郎家

送客赴洪州

一作送  
鄭侍御

草色隨驄馬悠悠共出秦水傳雲夢曉山接洞庭春帆  
影連三峽猿聲在四鄰青門一分手難見杜陵人

與鄭錫遊春

東門垂柳長回首獨心傷日煖臨芳草天晴憶故鄉暎  
花鷺上下過木蝶飛揚借問同行客今朝淚幾行

送友人

一作送友  
入南遊

聞說湘川路年年古木

一作  
弔古

多猿啼巫峽夜月照洞庭

波窮海人還去孤城雁與過青山不同賞

一作不  
可到

來往

自蹉跎

題從叔沆林園

阮宅閒園暮窗中見樹陰樵歌依遠草僧語過長林鳥

哢一作  
上花間曲一作  
井人彈竹裏琴自嫌身未老已有住

山心

送少微上人入遊蜀

一作  
遊

蜀

削髮本求道何方不是歸松風開法席

一作  
選

江蓮

一作  
蓮月



濯禪衣飛閣蟬鳴早漫天客過稀戴顓常執筆不覺此  
身非

雨後遊輞川

驟雨歸山盡頽陽入輞川看虹登晚墅踏石過春泉紫  
葛藏仙井黃花出野田自知無路去迴步就人煙

同皇甫侍御題惟一上人房

焚香居一室盡日見空林得道輕年暮安禪愛夜深東  
西皆是夢存沒豈關心唯羨諸童子持經在竹陰

同苗

一作  
裴

員外宿薦福寺僧舍

潘安秋興動涼夜宿僧房倚杖雲離月垂簾竹有霜迴

風生

一作  
吹

遠逕落葉颯長廊一與交親會空貽別後傷

送客往

一作  
赴

湘江

識君年已老孤棹向瀟湘素髮臨高鏡清晨入遠鄉三

山分夏口五兩映涪陽更逐巴東

一作  
江

客南行淚幾行

送友人遊蜀

嘉陵天氣好百里見雙流帆影綠巴字

一作  
寺

鐘聲出漢

州綠原春草晚青木暮猿愁本是風流地遊人易白頭  
送友人遊江東

江上花開盡南行見杪

一作少見

春鳥聲悲古木雲影入通

津返景斜連草迴潮暗動蘋謝公今在郡應喜得詩人

送樂平苗明府得家字

本自求彭澤誰云道里賒山從石

一作古

壁斷江向弋陽

斜暮

一作草

色隨楓樹陰雲暗荻花諸侯舊調鼎應重宰

臣家

過宋州

睢陽陷虜日外絕救兵來世亂忠臣死時清明主哀荒  
郊春草徧故壘野花開欲為將軍哭東流水不迴

茂陵山行陪韋金部

一作招金部韋員外

宿雨朝來歇空山秋氣清盤雲雙鶴下隔水一蟬鳴古  
道黃花落平蕪赤燒生茂陵雖有病猶得伴君行

江上逢司空曙

一作岳陽逢司空曙  
文明得關中書

共爾

一作有

鬢年故相逢萬里餘新春兩行淚故

一作舊

國

一封書夏口帆初落

一作涔

一作潯

一作衡

陽雁正

一作

疎唯

當執杯酒暫食漢江魚

襄陽耆舊傳漢水中有魚甚美

### 逢王泌自東京至

逢君自鄉至雪涕問田園幾處生喬木誰家在舊村山  
峰橫二室水色映千門愁見游從處如今花正繇

### 山中期吉中孚

行人路不同花落到山中水暗薰葭霧月明楊柳風年  
華驚已擲志業颯然空何必龍鍾後方期事遠公

酬前大理寺評事張芬

君家舊林壑寄在亂峰西近日春雲滿相思路亦迷聞  
鐘投野寺待月過前溪悵望成幽夢依依識故蹊

賦得山泉送房造

泉水山邊去高人月下看潤松秋色淨落澗夜聲寒委  
曲穿深竹潺湲過遠一作淺灘聖朝無隱者早晚罷漁竿

宿興善寺後堂池

一本無堂字

草堂高樹下月向後池生野客如一作同

僧靜

一作坐

新荷

共水平錦鱗沉不食繡羽亂相鳴  
即事思江海誰能萬里行

憶皎然上人

未得從師去人間萬事勞雲門不可見  
山木已應高向日開柴戶驚秋問敝袍  
何由宿峰頂窗裏望波濤

贈衡岳隱禪師

舊住衡州寺隨緣偶北來夜禪一作寒  
山雪下朝汲竹門

開半偈傳初一作空皆盡羣生意未迴  
唯當與樵者杖錫入

天台

雲陽觀

一作宿  
華陽洞

寄袁綢

一作元陽  
觀寄元稱

花洞晚陰陰

一作滿  
沉沉

仙壇隔杏林  
漱泉春谷冷  
擣藥夜

窗深石上開  
仙酌松間對  
玉琴戴家溪  
北住雪後去相

尋

晚遊東田寄司空曙

暮來思遠客  
獨立在東田  
片雨

一作影

無妨景

一作雨

殘虹

不映天別愁  
逢夏果歸興  
入秋蟬莫作  
隳官意陶潛

一作



公未必賢

題崔端公園林

上士愛清輝  
開門向翠微  
抱琴看鶴去  
枕石待雲歸  
野坐苔生席  
高眠竹挂衣  
舊山東望遠  
惆悵暮花飛

早春雪夜寄盧綸兼呈秘書元丞

聞君隨謝朓  
春夜宿前川

一作山前

看竹雲垂地

一作嶺

尋僧

月滿田

一作雪滿船

熊寒方入樹  
魚樂稍離船  
獨夜羈愁客

誰知惜故

一作暮

年

早春夜集耿拾遺宅

如何逋客會忽在侍臣家  
新草猶停雪寒梅未放花  
銜杯雞欲唱逗月雁應斜  
年齒俱憔悴誰堪故國賒

元丞宅送胡濬及第東歸覲省

登龍兼折桂歸去當

一作賞

高車

一作居

舊楚楓猶在前隋

柳已疎月中逢海客浪裏得鄉書  
見說江邊住知君不厭魚

送魏廣下第歸揚州寧親

遊宦今空返浮淮一雁秋白雲陰澤國青草遶揚州調  
膳過花下張筵到水頭崑山仍有玉歲晏莫淹留

歸山與酒徒

一作別  
友人

野客本無事比來非有求煩君徵樂餞

一作  
藥送

未免憶山

愁紅燭侵明月青娥促白頭童心久已盡豈為豔歌留

冬夜寄韓

一作  
章 弇 一作秋夜寄  
司空文明

獨坐知霜下開門見木衰壯應隨日去老豈與人期廢  
井蟲鳴早陰階菊發遲興來空憶戴不似剡溪時

聞吉道士還俗因而有贈

聞有華陽客儒裳謁紫微  
舊山連藥賣孤鶴帶雲歸  
柳市名猶在桃源夢已稀  
還鄉見鷗鳥應愧背船飛

韋員外東齋看花

入花凡幾步此樹獨相

一作將

留發豔紅枝合垂煙綠水

幽併開偏覺好未落已成

一作看

愁一到芳菲下空招

一作

貽兩鬢秋

邊頭作

邠郊泉脈動落日  
上城樓羊馬水草足  
羌胡帳幕稠射

鷗過海岸傳

一作殘

箭怯

一作脅

邊州何事歸朝將  
今年又

拜侯

宿深上人院聽遠泉

泉聲宜遠聽  
入夜對支公  
斷續來方盡  
潺湲咽又通  
何

年出石下幾里  
在山中君

一作若

問窮源處  
禪心與此同

茂陵村行贈何兆

春天黃鳥轉野  
逕白雲間  
解帶依芳草  
支頤想故山人

行九州路樹老五陵間誰道臨邛遠相如自憶還

送友人還洛

去國渡關河蟬鳴古樹多平原正超忽行子復蹉跎去  
事不可想舊遊難再過何當嵩岳下相見在烟蘿

送戴徵士還山

柔柔錦臆雉相送到烟霞獨隱空山裏閒門幾樹花草  
生楊柳岸鳥嘒竹林家不是謀生拙無為末路賒

一作肥遯

超然逝優  
游興味賒

秋日旅舍別司空文明

涼風颯窮巷秋思滿高

一作同

雲吏隱俱不就此心仍別

君素懷宗淡泊羈旅念功勳轉憶西林寺江聲月下聞

旅舍對雪贈考功王員外

楊花驚滿路麪市忽狂風驟下搖蘭葉輕飛集竹叢欲  
將瓊樹比不共玉人同獨望徽之棹青山在雪中

送丁少府往唐上

因君灞陵別故國一迴看共食田文飯先之梅福官江

風轉一作薄日暮山月滿  
潮寒不得同舟望  
淹留歲月闌

贈李龜年

青春事漢主  
白首入秦城  
遍識才人字

一作時人號

多知舊

曲名風流隨故事  
語笑合新聲  
獨有垂楊樹  
偏傷日暮情

送郭補闕歸江陽

東門春尚淺  
楊柳未成陰  
雁影愁斜日  
鸞聲怨故林  
隋宮江上遠  
梁苑雪中深  
獨有懷歸客  
難為欲別心



早春會王逵主人得蓬字

今年華鬢色半在故人中  
欲寫無窮恨先期一醉同  
綠叢猶覆雪紅萼已凋風  
莫負歸山契君看陌上蓬

宿山寺思歸

僧房秋雨歇愁臥夜更深  
欹枕聞鴻雁迴燈見竹林  
歸螢入草盡落月映窗沉  
拭淚無人覺長謠向壁陰

送客赴江陵寄郢州郎士元

露下晚蟬愁詩人舊怨秋  
沅湘莫留滯宛洛好遨遊  
飲

馬逢黃菊離家值白頭  
竟陵明月夜為上庾公樓

送客賦得巴江夜猿

巴水天邊路啼猿傷客情  
遲遲雲外盡杳杳樹中生  
殘月暗將落空霜寒欲明  
楚人皆掩淚聞到第三聲

秋日憶曠上人

一從持鉢別更未到人間  
好靜居貧寺遺名棄近山  
雨前縫百衲葉下閉重關  
若便尋陽去須將舊客還

寄上舍人叔

車馬朝初下看山憶獨尋  
會知逢水盡且愛入雲深  
殘雨開斜日新蟬發迴林  
阮咸雖別巷遙識此時心

送古之竒赴安西幕

疇昔十年兄相逢五校營  
今宵舉杯酒隴月見軍城  
堠火經陰絕邊人接曉行  
殷勤送書記強虜幾時平

送張芬歸江東兼寄柳中庸

久是天涯客偏傷落木時  
如何故國見更欲異鄉期  
鳥暮東西急波寒上下遲  
空將滿眼淚千里怨相思

送丘丹歸江東

故山霜落久才子憶荆扉旅舍尋人別秋風逐雁歸  
夢愁楓葉盡醉惜菊花稀肯學求名者經年未拂衣

臥病寄苗員外

故人初未貴相見得淹留一自朝天去因成計日遊  
月明應獨醉葉下肯同愁因恨劉楨病空園臥見秋

送楊臯擢第歸江東

一作送表  
丈楊皞

隋堤望楚國江上一歸人綠氣千樯暮青風萬里春  
試

才初得桂泊渚肯傷蘋拜手終悽愴恭承中外親

題鄭少府林園

謝家今日晚

一作暖

詞客願抽毫  
樞馬方迴影  
池鵝正理

毛竹筒傳水  
遠塵尾坐僧高  
獨有宗雷賤  
過君著

一作看

敝袍

送吉中孚拜官歸業

南入華陽洞  
無人古樹寒  
吟詩開舊帙  
帶綬上荒壇  
因病求歸易  
霑恩更隱難  
孟宗應獻鮓  
家近守漁官

送楊少府赴陽翟

即舍人之弟

冠帶仁兄後光輝壽母前  
陸雲還入洛潘岳更張筵  
井邑高山對園林潁水連  
東人欲相送旅舍已潛然

慈恩寺暕上人房招耿拾遺

悠然對惠遠共結故山期  
汲井樹陰下閉門亭午時  
地閒花落厚石淺水流遲  
願與神仙客同來事本師

宿山寺雪夜寄吉中孚

獨愛僧房竹春來長到池  
雲遮皆晃朗雪壓半低垂  
不

見侵山葉空聞拂地枝  
鄙夫今夜興唯有子猷知

贈趙神童

聖朝殊漢令才子少登科  
每見先鳴早常驚後進多  
獨居方寂寞相對覺蹉跎  
不是通家舊頻勞文舉過

宿雲際寺贈深上人

暫別青藍寺今來髮欲斑  
獨眠孤燭下風雨在前山  
壞宅終須去空門不易還  
支公有方便一願啟玄關

送從兄赴洪州別駕兄善琴

援琴蕙愛竹遙夜在湘沅鶴舞月將下烏啼霜正鱗亂  
流喧橋岸飛雪暗荆門佐郡無辭屈具如相府恩

山中期張芬不至

石一作古

堤春草碧雙燕向西飛悵望雲天暮佳人何處  
歸藥欄蟲網遍苔井水痕稀誰道嵇康嬾山中自掩扉

寄暢當

麥秀草芊芊幽人好晝眠雲霞生嶺上猿鳥下牀前顏  
子方敦行支郎久住禪中林輕暫別約畧已經年



送義興元少府

逢君惠連第

一作弟

初命更光輝已得羣公祖終妨太傅

譏路長人反顧草斷鷺迴飛本是江南客還同衣錦歸

臥病別鄭錫

病來喜無事多臥竹林間此日一相見明朝還掩關幽

人愛

一作怨

芳草志士惜顏顏歲宴不我棄期君在故山

書志贈暢當

并序

余少尚神仙且未能去友人暢當以禪門見導余

心知必是未得其門因寄詩以咨焉

少喜

一作嘉

神仙術未去已蹉跎壯志一為累浮生事漸

多衰顏不相識歲暮定相過請問宗居士君其奈老何

送諸暨裴少府

公先人元相公判官

山公訪嵇紹趙武見韓侯事去恩猶在名成淚却流一  
官同北去千里赴南州才子清風後無貽相府憂

送鄭宥入蜀迎覲

寧親西陟險君去異王陽在世誰非客還家即是鄉劍

門千轉盡

大劍山即劍門也

巴水一支長

嘉陵江潼江小劍水皆巴水也請語

愁猿道無煩促淚行

送耿拾遺漳使江南括圖書

驅傳草連天回風滿樹蟬將過夫子宅前

一作亦

問孝廉

船漢使收三篋周詩採百篇別來將

一作君終

有淚不是怨

流年

送王少府遊河南

馬卿方失意東去謁諸侯過宋人應少遊梁客獨愁鳥

翻千室暮蟬急兩河秋僕本無媒者因君淚亦流  
送別駕赴晉陵即舍人叔之兄

諸宗稱叔父從子亦光輝謝朓中書直王祥別乘歸江  
帆衝雨上海樹隔潮微南阮貧無酒唯將淚濕衣

臥病寄闔寮

病中貪好景強步出幽居紫葛垂山徑黃花繞野渠荒  
林飛老鶴敗堰過遊魚縱憶同年友無人可寄書

晚夏聞蟬寄

一本有戴字

廣文

一作郎士元詩

昨日鶯囀聲

一作始開鶯

今朝蟬忽

一作又

鳴朱顏向華髮定

是幾年程故國白雲遠閒居青草生因垂數行淚書報

一作寄十年兄

### 歸山居寄錢起

悵望青山下回頭淚滿巾故鄉多古樹落日少行人  
鬢將回色簪纓未到身誰知武陵路亦有漢家臣

### 曉發瓜州

曉發悲行客停橈獨未前寒江半有月野戍漸無煙棹

唱臨高岸鴻嘶發遠田誰知避徒御對酒一潸然

江上喜逢司空文明

秦人江上見握手淚沾巾落日見秋草暮年逢故人非  
夫長作客多病淺謀身臺閣舊親友誰曾見苦辛

同苗發慈恩寺避暑

追涼尋寶刹畏日望璇題臥草同鴛侶臨池似虎溪樹  
間人跡外山晚鳥行西若問無心法蓮花隔淤泥

送潘述宏詞下第歸江外

第七句  
缺二字

唱高人不和此去淚難收上國經年住長江滿目流奕

棊知勝偶射策請焚舟應是田

一作由

玄成許爾遊

送張少府赴夏縣

雖為州縣職還欲抱琴過樹古聞風早山枯見雪多雞  
聲連絳市馬色傍黃河太守新臨郡還逢五袴歌

酬秘書元丞郊園臥疾見寄

聞說漳濱臥題詩怨歲華求醫主高手報疾到貧家撒  
枕銷行蟻移杯失畫蛇明朝九衢上應見玉人車

送成都韋丞還蜀

蜀門雲樹合高棧有猿愁驅傳加新命之官向舊遊晨  
裝逢酒雨夜夢見刀州遠別長相憶當年莫滯留

晚秋旅舍寄苗員外

爭途苦不前貧病遂連牽向暮同行客當秋獨長年晚  
花唯有菊寒葉已無蟬吏部逢今日還應甕下眠

送惟良上人歸潤州

擬詩偏不類又送上人歸寄世同高鶴尋仙稱一作壞山補



衣雨行江草短露坐海帆稀正被空門縛臨歧乞解圍

送何兆下第還蜀

重江不可涉孤客莫晨裝高

一作古

木莎城小

一作下

殘星

一作霞棧道長裹猿楓子落過

一作送

雨荔枝香勸爾成都

住文翁有草

一作學

堂

一作舊房

送友人宰湘陰

從宦舟行遠浮湘又入閩薰葭無朔雁檉栝有蠻神傳  
吏聞調象山精暗訟人唯須千樹橘暫救李衡貧

送元晟歸江東舊居

澤國舟車接關門  
雨雪乖春天行故楚  
夜月下清淮講  
易居山寺論詩到郡齋  
蔣家人暫別三路草連堦

送黎少府赴陽翟

詩禮稱才子神仙是丈人  
玉山那惜醉金谷已無春  
白馬如風疾青袍奪草新  
不嫌鳴吠客願用百年身

送夏侯審遊蜀

西望煙綿樹愁君上蜀時  
同林息商客隔棧見眾師  
石

滑羊腸險山空杜宇悲琴心正幽怨莫奏鳳凰詩

單推官廳前雙桐詠

封植因高興孤貞契素期由來得地早何事結花遲葉  
重凝烟後條寒過雨時還同李家樹爭賦角弓詩

送宋校書赴宣州幕

浮舟歷芳草容裔逐江春遠避看書吏行當入幕賓夜  
潮衝老樹曉雨破輕蘋鴛鴦多傷別藥家德在人

送趙給事任尉丹陽

太傅憐羣從門人亦賤回入官先愛子賜酒許同杯淮  
海春多雨蕪葭夜有雷遙知拜慶後梅尉稱仙才

宿瓜洲寄柳中庸

懷人同不寐清夜起論文月魄正出海雁行斜上雲寒  
潮來灑灑秋葉下紛紛便送江東去徘徊祇待君

夜宴虢縣張明府宅逢宇文評事

虢田留古宅入夜足秋風月影來窗裏燈光落水中微  
詩逢謝客飲酒得陶公更愛疎籬下餘霜濕菊叢

冬夜集張尹後閣

乘龜兼戴豸白面映朱衣  
安石還須起泉明不得歸  
鷹門常吏在登席舊寮稀  
遠客長先醉那知亞相威

將之澤潞留別王郎中

弱年知己少前路主人稀  
貧病期相惜艱難又憶歸  
事成應未卜身賤又無機  
幸到龍門下須因羽翼飛

晚次巴陵

雪後柳條新巴陵城下人  
烹魚邀水客載酒奠山

江一作

神雲去低

一作歸

斑竹波迴

一作風來

動白蘋不堪逢楚老日

暮正江春

送荀道士歸廬山

先生歸有處欲別笑無言  
綠水到山口青林連洞門  
月明尋石路雲霽望花源  
早晚還乘鶴悲歌向故園

送張淑歸覲叔父

日慘長亭暮天高大澤閒  
風中聞草木雪裏見江山  
馬向塞雲去人隨古道還  
阮家今夜樂應在竹林間

送郭參軍赴絳州

登車君莫望故絳柳條春  
蒲澤逢胡雁桃源見晉人  
佐軍髯尚短擲地思還新  
小謝常攜手因之醉路塵

送袁稠遊江南

江南衰草遍十里見長亭  
客去逢搖落鴻飛入杳冥  
空城寒雨細深院曉燈青  
欲去行人起徘徊恨酒醒

送夏中丞赴寧國任

楚縣入青楓長江一派通  
板橋尋謝客古邑事陶公  
片

雨收山外連雲上漢東陸機猶滯洛念子望南鴻

送衛雄下第歸同州

不一作

才先上第詞客却空還邊地行人少平蕪盡日

閒一蟬陂樹裏衆火隴雲間

一作隴頭闌

羨汝歸茅屋書窗

見遠一作山

送單少府赴扶風

少年趨盛府顏色比花枝范匄非童子楊脩豈小兒叨  
陪丈人行常恐阿戎欺此去雲霄近看君逸足馳



題山中別業

舊宅在山中，閒門與寺通。  
往來黃葉路，交結白頭翁。  
晚笋難成竹，秋花不滿叢。  
生涯祇麤糲，吾豈諱言窮。

送司空文明歸江上舊居

野菊有黃花，送君千里還。  
鴻來燕又去，離別惜容顏。  
流水通歸夢，行雲失故關。  
江風正搖落，宋玉莫登山。

送新城戴叔倫明府

遙想隋堤路，春天楚國情。

一作晴

白雲當海斷，青草隔淮

生雁起斜還直潮回遠復平  
菜蕪不可到一醉送君行  
送雍丘任少府

叢車餞才子路走許東偏  
遠水同春色繇花勝雪天  
鳥行侵楚邑樹影向殷田  
莫學生鄉思梅真正少年

送雍郢州

厭郎思出守

一作寺

遂領漢東軍望月逢殷浩  
緣江送范

雲城閒煙草遍浦迥雪林分  
誰伴樓中宿吟詩估客聞

寄王密卿

酒樂今年少僧期近日頻買山多為竹卜宅不緣貧志  
業歸初地文章寄此身嵇康雖有病猶得見情人

與蕭遠上人游少華山寄皇甫侍御

尋危兼採藥渡水又登山獨與高僧去逍遙落日間漸  
看閭里遠自覺性情閒回首知音在因令悵望還

代村中老人答

京洛風塵後村鄉煙火稀少年曾失所衰暮欲何依夜  
靜臨江哭天寒踏雪歸時清應不見言罷淚盈衣

贈故將軍

平生在邊日鞍馬若星流獨出間千里相知滿九州恃  
功凌主將作氣見王侯誰道廉頗老猶能報遠讐

送陸郎中歸田司空幕

漢家分列宿東土佐諸侯結束還軍府光輝過御溝農  
桑連紫陌分野入青州覆被恩難報西看成白頭

酬晉侍御見寄

野客蒙詩贈殊恩欲報難本求文舉識不在子真官細

兩雙林暮重陽九日寒貧齋一叢菊願與上賓看

送銅澤王歸城

昔聞公族出其

賓一作

從亦高車為善唯求樂分貧必及

疎身承漢枝葉手習魯詩書尚說無功德三年在石渠

江上別柳中庸

秦人江上見握手便霑衣近日相知少往年親故稀  
遠遊何處去舊業幾時歸更向巴陵宿堪聞雁北飛

喜皇甫郎中拜諭德兼集賢學士

為郎三載後寵命一朝新望苑遷詞客儒林拜丈人鶯  
飛綺閣曙柳拂畫堂春幾日調金鼎諸君欲望塵

送黎兵曹往陝府結婚

東方發車騎君是上頭人莫雁逢良日行媒及仲春時  
稱渡河婦宜配坦牀賓安得同門吏揚鞭入後塵

送竇兵曹

梨花開上苑遊女著羅衣聞道情人怨應須走馬歸御  
橋遲日暖官渡早鶯稀莫遣佳期過看看蝴蝶飛

留別故人

一作李頎詩

此別不可道此心當語誰  
春風灞水上飲馬桃花時  
誤作好文士祇應遊宦遲  
留書下朝客我有故山期

奉送宋中丞使河源

東周遣戍役才子欲離羣  
部領河源去悠悠隴水分笳  
聲悲塞草馬首渡關雲  
辛苦逢炎熱何時及漢軍

都亭驛送郭判官之幽州幕府

幕府參戎事承明伏奏歸  
都亭使者出杯酒故人違  
細

雨霑官騎輕風拂客衣還從大夫後吾黨亦光輝

送王羽林往秦州

秦州貴公子漢日羽林郎事主來中禁榮親上北堂  
輜車花擁路寶劔雪生光直掃三邊靖承恩向建章

送友人入關

一本題上有代  
從兄衡四字

聞君帝城去西望一沾巾落日見秋草暮年逢故人  
非才長作客有命懶謀身近更嬰衰疾空思老漢濱

代宗輓歌



祖庭三獻罷嚴衛百靈朝警蹕移前殿宮車上渭橋寒  
霜凝羽葆野吹咽笳簫已向新京兆誰云天路遙

張左丞輓歌二首

素旆低寒水清笳出曉風鳥來傷賈傅馬立葬滕公松  
柏青山上城池白日中一朝今古隔唯有月明同

禍集鈎方災生劔忽飛無由就日拜空憶自天歸門  
吏看還葬宮官識賜衣東堂哀贈畢從此故臣稀

奉和王元二相避暑懷杜太尉

一作奉和王元二相公於中書

東廳避暑悽

然懷杜太尉

艱難嘗共理海晏更相悲  
况復登堂處分明避暑時  
綠槐千穗綻丹藥一番遲  
蓬革一作何幸先朝一作大雅詩

青龍寺題故曇上人房

遠公留故院一徑雪中微  
童子逢皆老門人問亦稀  
繡經徒有處攜履遂無歸  
空念尋巢鶴時來傍影飛

早春夜望

舊雪逐泥沙新雷發草芽  
曉霜應傍鬢夜雨莫催花  
行

矣前途晚歸歟故國賒不勞報春盡從此惜年華

宴伊東岸

晴洲無遠近一樹一潭春芳草留歸騎朱櫻擲舞人空  
花對酒落小翠隔林新竟日皆攜手何由遇此辰

雲際中峰居喜見苗發

一作祖  
詠詩

自得中峰住深林亦閉關經秋無客到入夜有僧還暗  
澗泉聲小荒村樹影閒高窗不可望星月滿空山

宿洞庭

白水連天暮，洪波帶日流。  
風高雲夢夕，月滿洞庭沙。  
上漁人火，烟中賈客舟。  
西園與南浦，萬里共悠悠。

江上賽神

疎鼓應繁絲，送神歸九疑。  
蒼龍隨赤鳳，帝子上天時。  
驟雨歸山疾，長江下日遲。  
獨憐遊宦子，今夜泊天涯。

奉和元丞侍從遊南城別業

垂朱領孫子，從宴在池塘。  
獻壽回龜顧，和羹躍鯉香。  
高松先草晚，平石助泉涼。  
餘橘期相及，門生有陸郎。

送從舅成都丞廣南歸蜀

一作盧  
綸詩

巴宇天邊水  
秦人去是歸  
棧長山雨響  
溪亂火田稀  
俗富行應樂  
官雄祿豈微  
魏舒終有淚  
還濕甯家衣

欽定四庫全書蒼要卷一萬七千六百九十一

集部

御定全唐詩卷二百八十六

李端

贈郭駙馬

郭令公子暖尚昇平公  
主令於席上成此詩

青春都尉最風流二十功成便拜侯  
金距鬪雞過上苑  
玉鞭騎馬出長楸  
熏香荀令偏憐少  
傅粉何郎不解愁  
日暮吹簫楊柳陌  
路人遙指鳳凰樓

方塘似鏡草芊芊  
初月如鉤未上弦  
新開金埒看調馬

舊賜銅山許鑄錢楊柳入樓吹玉笛芙蓉出水妬花鈿

今朝都尉如相顧

一作許

願脫長裾學少年

宿淮浦憶司空文明

愁心一倍長離憂夜思千重戀舊遊秦地故人成遠夢  
楚天涼雨在孤舟諸溪近海潮甘應獨樹邊淮葉盡流

別恨轉

一作最

深何處寫前程唯有一登樓

送濮陽錄事赴忠州

成名不遂

一作暮歎

雙旌遠主

一作空

印還為一郡雄赤葉黃

花隨野岸青山白水映江楓  
巴人夜語一作話孤舟裏越

鳥春啼萬

一作衆

壑中聞說古書多  
未校肯令才子久西

東

送馬尊師

一作送侯道士

南入商山松路深  
石牀溪水畫陰陰  
雲中採藥隨青一作

旄節洞裏耕田映綠林  
直上煙霞空舉手  
迴經丘壠自

傷心武陵花木應長在  
願與漁一作門人更一尋

過元注林園



謝家門館似山林，碧石青苔滿樹陰。  
乳鵲眇巢花巷靜，鳴鳩鼓翼竹園深。  
桔槔轉水兼通藥，方丈留僧共聽琴。  
獨有野人箕踞慣，過君始得一長吟。

野寺病居喜盧綸見訪

青青麥隴白雲陰，古寺無人新草深。  
乳燕拾泥依古井，鳴鳩拂羽歷花林。  
千年駁蘚明山履，萬尺垂蘿入水心。  
一卧漳濱今欲老，誰知才子忽相尋。

送皎然上人歸山

適來世上豈緣名，適去人間豈為情。  
古寺山中幾日到，高松月下—僧行。  
雲陰鳥道苔—一作山，方合雪映龍潭水。  
更清法主欲歸須，有說門人流淚厭浮生。

贈道士

姓氏不書高士傳，形神自得逸人風。  
已傳花洞將秦接，更指茅山與蜀通。  
嬾說歲年齊絳老，甘為鄉曲號涪翁。  
終朝賣卜無人識，敝服徒行入市中。

題雲際寺準上人房

高僧居處似天台錫杖銅瓶對綠苔竹巷雨晴春

一作新

鳥嘯山房日午老人來園中鹿過椒枝動潭底龍遊水  
沫開獨夜焚香禮遺像空林月出始應迴

山中寄苗員外

鳥鳴花發空山裏衡岳幽人藉草時既近淺流安筆硯  
還因平石布著龜千尋楚水橫琴望萬里秦城帶酒思  
聞說潘安方寓直與君相見漸難期

憶故山贈司空曙

漢主金門正名才馬卿多病自遲迴舊山斲別老將至

芳草欲闌歸去來雲在高天風會起年如流水日長一作

相催知君素有栖禪意歲晏蓬門遲一作爾開

閒園即事贈考功王員外

南陌晴雲稍變霞東風動柳水紋斜園林帶雪潛生草

桃李雖一作春未有花幸接上賓登鄭驛羞為長女似

黃家今朝一望還成暮一作欲別芳菲戀歲華

寄廬山真人

高僧無跡本難尋  
更得禪行去轉深  
青草湖中看五老  
白雲山上宿雙林  
月明潭色澄空性  
夜靜猿聲證道心  
更謝說公南座好  
烟蘿到地幾重陰

題覺公新蘭若

頭白禪師何處還  
獨開蘭若樹林間  
鬼因巫祝傳移社  
神見天人請施山  
猛虎聽經金磬動  
獼猴獻蜜雪窗閒  
新齋結誓如相許  
願與雷宗永閉關

贈道者

窗

一作空

中忽有鶴飛聲方士因知道欲成來取圖書安

枕裏便驅雞犬向山行花開深洞仙門小路過懸橋羽  
節輕送客自傷身已老不知何處待先生

代棄婦答賈客

一作妾  
薄命

玉壘城邊爭走馬銅鞮市裏共乘舟鳴環動珮恩無一作

能盡掩袖低巾淚不流疇昔將歌邀客醉如今欲舞對

君羞忍懷賤妾平生曲一作好獨上襄陽舊酒樓

和李舍人直中書對月見寄

名卿步月正淹留上客裁詩怨別遊素魄近成班女扇  
清光遠似庾公樓嬋娟更稱僊高望皎潔能傳自古愁  
盈手入懷皆不見陽春曲麗轉難酬

卧病聞吉中孚拜官寄元秘書昆季

漢家採使不求聲自慰文章道欲行毛遂登門雖異賞  
韓非入傳濫齊名雲歸暫愛青山出客去還愁白髮生  
年少奉親皆願達敢將心事向玄成

江上逢柳中庸

舊住衡山曾夜歸見君江客憶荆扉  
星沉嶺上人行早月過湖西鶴唳稀  
弱竹萬株頻礙憤新泉數步一褰衣  
今來唯有禪心在鄉路翻成向翠微

戲贈韓判官紳卿

少尋道士居高嶺晚事高僧住沃洲  
齒髮未知何處老身名且被外人愁  
欲隨山水居茅洞已有田園在虎丘  
獨怪子猷緣掌馬雪時不肯更乘舟

送周長史



青楓樹裏宣城郡，獨佐諸侯上板橋。  
江客亦能傳好信，山僧多解說南朝。  
雲陰出浦看帆小，草色連天見雁遙。  
別有空園落桃李，知將絲組繫蘭橈。

題故將軍莊

曾將數騎過

一作戰

桑乾遙對單于飭，馬鞍塞北征兒諳。

一作思

用劍關西宿將許，登壇田園蕪沒歸耕晚。弓箭開

離出獵難，唯有老身如刻畫。猶期聖主解衣看。

夜投豐德寺謁海上人

一本作盧綸詩

半夜中峰有磬聲偶尋

一作逢

樵者問山名上方月曉聞

僧語下界林疎見客行野鶴巢邊松最老毒龍潛處水  
偏清願得遠公知姓字焚香洗鉢過餘生

塞上

一本作盧綸詩  
題作從軍行

二十在邊城軍中得勇名卷旗收敗馬占磧擁殘兵覆  
陣烏鳶起燒山草木明塞閑思遠獵師老厭分營雪嶺  
無人跡冰河足雁聲李陵甘此沒惆悵漢公卿

送彭將軍雲中覲兄

聞說蒼鷹守今朝欲下講因令白馬將蕪道覓封侯畧  
地關山冷防河雨雪稠翻弓騁猿臂承箭惜貂裘設伏  
軍謀密坑降塞邑愁報恩唯有死莫使漢家羞

奉贈苗員外

朱戶敞高扉青槐礙落暉八龍承慶重三虎遞朝歸坐  
竹人聲絕橫琴鳥語稀花慙潘岳貌年稱老萊衣葉暗  
新櫻熟絲長粉蝶飛應憐魯儒賤空與故山違

酬丘拱外甥覽余舊文見寄

丘遲本才子始冠即周旋舅之鄰鑒愛君如衛玠賢禮  
將金友等情向玉人偏鄙俗那勞似龍鍾却要憐投甄  
聊取笑贈綺一何妍野坐臨黃菊溪行踏綠錢巖高雲  
反下洞黑水潛穿僻嶺猿偷栗枯池雁唳蓮身居霞外  
寺思發月明田猶恨縈塵網昏昏過歲年

贈岐山姜明府

昨夜關山雨歸心便似遲幾迴驚葉落即到白頭時雁  
影將魂去蟲聲與淚期馬卿兼病老宋玉對秋悲謝客

纔為別陶公已見思非關口腹累自是雪霜姿釀酒栽  
黃菊炊粳折綠葵山河方入望風日正宜詩牧豎寒騎  
馬邊烽晚立旗蘭凋猶有氣柳脆不成絲別後如相問  
高僧知所之

下第上薛侍郎

蓬華春風起開簾却自悲如何飄梗處又到採蘭時明  
鏡方重照微誠寄一辭家貧求祿早身賤報恩遲幸得  
皮存矣須勞翼長之銘肌非厚荅肉骨是前期縱覺新

人好寧忘舊主疑終慙太丘道不為小生私

奉和秘書元丞杪秋憶終南舊居

高門有才子能履古人蹤  
白社陶元亮青雲阮仲容  
田園忽歸去車馬杳難逢  
廢港臨秋水支頤向暮峰  
行魚避楊柳驚鴨觸芙蓉  
石竇紅泉細山橋紫菜重  
鳳雛終食竹鶴侶暫巢松  
願接烟霞賞羈離計不從

送歸中丞使新羅

一作李益詩

東望扶桑日何年是到時  
片帆通雨露積水隔華夷  
浩

秋風來遠虛冥鳥去遲長波靜雲月孤島宿旌旗別葉  
傳秋意迴潮動客思滄溟無舊路何處問前期

暮春尋終南柳處士

龐眉一居士鶉服隱堯時種萱初成畝還丹舊日師入  
溪花徑遠向嶺鳥行遲紫葛垂苔壁青菰映柳絲偶來  
塵外事暫與素心期終恨遊春客同為歲月悲

雪夜尋太白道士

雪路夜朦朧尋師杏樹東石壇連竹靜醮火照山紅再

拜開金籙焚香使玉童蓬瀛三島至天地一壺通別客  
曾留藥逢舟或借風出遊居鶴上避禍入羊中過洞偏  
迴首登門未發蒙桑田如可見滄海幾時空

得山中道友書寄苗錢二員外

有謀皆轍軻非病亦遲迴壯志年年減馳暉日日催還  
山不及伴到闕又無媒高卧成長策微官稱下才詩人  
識何謝居士別宗雷跡向塵中隱書從谷口來藥欄遭  
鹿踐澗戶被猿開野鶴巢雲竇遊龜上水苔新歡追易



失故思渺難裁自有歸期在勞君示劫灰

酬前駕部員外郎苗發

馬融方直校閱簡復持鉛素業高風繼青春壯思全論  
文多在夜宿寺不虛年自署區中職同荒郭外田山鄰  
三徑絕野意八行傳煮玉矜新法留符識舊仙涵苔溪  
溜淺搖浪竹橋懸複洞潛棲鷺疎楊半翳蟬詠歌雖有  
和雲錦獨成妍應以馮唐老相譏示此篇

宿薦福寺東池有懷故園因寄元校書

暮雨風吹盡東池一夜涼  
伏流迴弱荇明月入垂楊  
石竹閒開碧薔薇暗吐黃  
倚琴看鶴舞搖扇引桐香  
舊筍方辭籜新蓮未滿房  
林幽花晚發地遠草先長  
撫枕愁華鬢凭欄想故鄉  
露餘青漢直雲捲白榆行  
驚鵲仍依樹遊魚不過梁  
繫舟偏憶戴炊黍願期張  
末路還思借前恩詎敢忘  
從來叔夜嬾非是接輿狂  
衆病嬰公幹羣憂集孝璋  
慙將多誤曲今日獻周郎

送王副使還并州

并州近胡地，北去事風沙。  
鐵馬垂金絡，貂裘犯雪花。  
曾持兩郡印，多比五侯家。  
繼世新恩厚，從軍舊國賒。  
戍煙千里直，邊雁一行斜。  
想到清油幕，長謀出左車。

晚春過夏侯校書值其沉醉戲贈

歌冠枕如意，獨寢落花前。  
姚馥清時醉，邊韶白日眠。  
曝禪還當屋，張幕便成天。  
謁客唯題鳳，偷兒欲覘羶。  
失杯猶離席，墜履反登筵。  
本是墻東隱，今為甕下仙。  
卧龍髯乍磔，栖蝶腹何便。  
阮籍供琴韻，陶潛餘秫田。  
人逢穀陽

望春似永和年顧我非工飲期君行見憐嘗知渴羌好  
亦覺醉胡賢炙熟樽方竭車回轄且全喫風仍作雨灑  
地即成泉自鄙新豐過遲迴惜十年

哭張南史因寄南史姪叔宗

爭路忽推車沈鉤未得魚結交唯我少喪舊自君初諫  
草文難似圍碁智不如仲宣新有賦叔夜近無書地閉  
滕公宅山荒謝客廬殲良從此恨福善竟成虛釀酒多  
同醉烹雞或取餘阮咸雖永別豈共仲容疎

長安感事呈盧綸

十五事文翰大兒輕  
孔融長裾遊邸第  
笑傲五侯中  
諫獵一朝寢論邊  
素未工蹉跎潘鬢至  
蹭蹬阮途窮  
貸布憐寧與無金命  
未通王陵固似慙  
郭最遂非雄  
斂板辭羣彥  
回車訪老農  
詠詩懷洛下  
送客憶山東  
沈病魂神濁  
清齋思慮空  
羸將衛玠比  
冷共鄴侯同  
草舍纔遮雨  
荆窗不礙風  
梨教通子守  
酒是遠師供  
捫虱欣時泰  
迎貓達歲豐  
原門唯有席  
井飲但加葱  
少壯矜齊德  
高年

覺宋聲寓書先論嬾讀易反求蒙昔慕能鳴雁今憐半  
死桐秉心猶似矢搔首忽如蓬赤葉翻藤架黃花蓋菊  
叢聊將呈匠伯今已學愚公

遊終南山因寄蘇奉禮士尊師苗員外

半嶺逢仙駕清晨獨採芝壺中開白日霧裏捲朱旂  
後鳥知歸路松蘿見會時雞聲傳洞遠鶴語報家遲童子  
閒驅石樵夫樂看碁依稀醉後拜恍惚夢中辭海上終  
難接人間益自疑風塵甘獨老山水但相思願得燒丹

訣流沙永待

一作侍

師

長安書事寄盧綸

弱冠家廬岳從師歲月深  
翻同老夫見殊寡少年心  
及此時方晏因之名亦沈  
趨途非要路避事樂空林  
素業在山下青泉當樹陰  
交遊有凋喪離別代追尋  
向秀初聞笛鍾期久罷琴  
殘愁猶滿貌餘淚可霑襟  
勿以朱顏好而忘白髮侵  
終期入靈洞相與鍊黃金

送郭良輔下第東歸

獻策不得意馳車東出秦暮年千里客落日萬家春  
妾薄命

自從君棄妾憔悴不羞人唯餘壞粉淚未免映衫勻  
送曠上人遊春

獨將支遁去欲往戴顓家晴野人臨水春山樹發花  
晦日同苗員外遊曲江

晦日同攜手臨流一望春可憐楊柳陌愁殺故鄉人  
溪行逢雨與柳中庸



日落衆山昏

一作星分

蕭蕭暮雨餘  
那堪兩處宿  
共聽一聲

猿

和張尹憶東籬菊

傳書報劉尹  
何事憶陶家  
若為籬邊菊  
山中有此花

幽居作

山舍千年樹  
江亭萬里雲  
回潮迎伍相  
驟雨送湘君

題雲際寺  
曠上人故院

白髮忽忽色  
青山草草心  
遠公仍下世  
從此別東林

觀鄰老栽松

雖過老人宅不解老人心  
何事殘陽裏栽松欲待陰

贈胡居士

孔融過五十海內故人稀  
相府恩猶在知君未拂衣

薦福寺送元偉

送客攀花後尋僧坐竹時  
明朝莫回望青草馬行遲

哭苗垂

一作過  
故友墓

舊友無由見孤墳草欲長  
月斜鄰笛盡車馬出山陽

客行贈馮著

旅行雖別路日暮各思歸  
欲下令朝淚知君亦溼衣

蕪城

一作蕪城懷古

風吹城上樹草沒城邊

一作下

路城裏月明時  
精靈自來

去

此首即前蕪城篇末四句

贈山中老人

白首獨一身青山為四鄰  
雖行故鄉陌不見故鄉人

拜新月

一作耿  
漳詩

開簾見新月便即下階拜細語人不聞北風吹裙帶

聽箏

鳴箏金粟柱素手玉房前欲得周郎顧時時誤拂弦

贈何兆

文章似揚馬風骨又清羸江漢君猶在英靈信未衰

同司空文明過堅上人故院

一作過堅上人  
影堂逢司空曙

我與雷居士平生事遠公無人知是舊共到影堂中

雜詩

主第辭高飲石家赴宵會金谷走車來玉人騎馬待

感興

香爐最高頂中有高人住日暮下山來月明上山去

問張山人疾

先生沈病意何如蓬艾門前客轉疎不見領徒過絳帳  
唯聞與婢削丹書

江上送客

故人南去漢江陰秋雨蕭蕭雲夢深江上見人應下淚

由來遠客易傷心

閨情

月落星稀天欲明  
孤燈未滅夢難成  
披衣更向門前望  
不忿朝來鵲喜聲

送劉侍郎

幾人同去一作謝宣城  
未及酬恩隔死生  
唯有夜猿知客恨  
嶧陽溪路第三聲

重送鄭宥歸蜀因寄何兆

黃花西上路何如青壁連  
天雁亦疎為報長卿休滌器  
漢家思見茂陵書

宿石澗店聞婦人哭

山店門前一婦人  
哀哀夜哭向秋雲  
自說夫因征戰死  
朝來逢著舊將軍

與道者別

聞說滄溟今已淺  
何當白鶴更歸來  
舊師唯有先生在  
忍見門人掩淚回

長門怨

一作長  
信宮

金壺漏盡禁門開  
飛燕昭陽侍寢回  
隨分獨眠秋殿裏  
遙聞語笑自天來

憶友懷野寺舊居

一作荅司空文  
明懷野寺舊居

自嫌野性共人疎  
憶向西林更結廬  
寄謝山陰許都講  
昨來頻得遠公書

聽夜雨寄盧綸

暮雨蕭條過鳳城  
霏霏颯颯重還輕  
聞君此夜東林宿



聽得荷池幾番

一作聲

昭君詞

李陵初送子卿回漢月明時惆悵

一作明  
照帳

來憶著長安

舊遊處千門萬戶玉樓臺

春晚遊鶴林寺寄使府諸公

野寺尋春花已遲背巖惟有兩三枝明朝攜酒猶堪醉  
為報春風且莫吹

御定全唐詩卷二百八十六